



25 APR, 2020

LPNM bantu pasarkan 160 tan nanas

Utusan Sarawak, Malaysia

Page 1 of 2

LPNM bantu pasarkan 160 tan nanas

JOHOR BAHRU: Lembaga Perindustrian Nanas Malaysia (LPNM) telah membantu memasarkan 160 tan nanas hasil daripada pekebun di Johor yang terjejas

berikutan Perintah Kawalan Pergerakan (PKP), kata Ketua Pengarahnya, Ruhaida Mashhor.

Beliau berkata, sejak PKP dikuatkuasakan dari 18 Mac

sehingga semalam, sebanyak 100 tan nanas jenis Moris yang diusahakan oleh pekebun berdaftar di bawah LPNM Johor berjaya dipasarkan dengan kerjasama Lembaga Pemasaran Pertanian Persekutuan (FAMA) dan pengilang.

"Selain 100 tan nanas jenis Moris, LPNM turut membantu memasarkan hasil pekebun sebanyak 60 tan bagi varieti MD2 dan Josapine yang bermasalah dari segi pengangkutan serta pemasaran dengan menghantar nanas bagi keperluan pemborong di Lembah Klang, utara serta pantai timur," katanya dalam kenyataan semalam.

Ruhaida berkata, 60 tan daripada 100 tan nanas jenis Moris dihantar ke kilang pengetinan di Batu Pahat manakala 40 tan lagi dihantar ke Pusat Operasi FAMA di Johor, Melaka, Dengkil dan Selayang, Selangor untuk pasaran di Pasar Segar Terkawal terpilih di kebanyakan negeri di Semenanjung.

Beliau berkata, inisiatif LPNM dalam membantu pekebun terutamanya memasarkan Moris adalah disebabkan kekangan pasaran bagi nanas jenis itu sepanjang tempoh PKP berikutan ia lebih kepada segmen menu dan bahan masakan oleh pengguna dan sektor perhotelan selain pemprosesan untuk jem dan inti nanas.

– Bernama

100 tan nanas jenis Moris diusahakan pekebun berdaftar di bawah LPNM Johor berjaya dipasarkan dengan kerjasama FAMA dan pengilang.



25 APR, 2020

LPNM bantu pasarkan 160 tan nanas

Utusan Sarawak, Malaysia

Page 2 of 2

SUMMARIES

J O H O R B A H R U: Lembaga Perindustrian Nanas Malaysia (LPNM) telah membantu memasarkan 160 tan nanas hasil daripada pekebun di Johor yang terjejas

berikutan Perintah Kawalan Pergerakan (PKP), kata Ketua Pengarahnya, Ruhaida Mashhor. Beliau berkata, sejak PKP dikuatkuasakan dari 18 Mac

100 tan nanas jenis Moris diusahakan pekebun berdaftar di bawah LPNM Johor berjaya dipasarkan dengan kerjasama FAMA dan pengilang.